

## ՀԱՇՎԵՏՎՈՒԹՅՈՒՆ

### ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

- **ԳՈՐԾՈՒՂՎԱԾ ԱՆՁ**

Արայիկ Խզմայան

- **ԶԲԱՂԵՑՐԱԾ ՊԱՇՏՈՆ**

ՀՀ կրթության, գիտության, մշակույթի և սպորտի նախարարի տեղակալ

- **ԳՈՐԾՈՒՂՄԱՆ ՎԱՅՐԸ ԵՎ ԺԱՄԿԵՏԸ**

Սանկտ Պետերբուրգ (ՌԴ)

2019 թվականի նոյեմբերի 14-16-ը

- **ՀՐԱՎԻՐՈՂ ԿՈՂՄԸ**

ՌԴ մշակույթի նախարարություն

- **ՆՊԱՏԱԿԸ**

Մասնակցություն սանկտպետերբուրգյան 8-րդ միջազգային մշակութային համաժողովին: Համաժողովը հանդիսանում է մշակույթի ոլորտում բաց երկխոսության, փորձի փոխանակման, միջազգային համագործակցության զարգացման և խնդիրների քննարկման բացառիկ հարթակ: Սանկտպետերբուրգյան 8-րդ միջազգային մշակութային համաժողովին իմ ղեկավարած հայաստանյան պատվիրակության մեջ ընդգրկված էին Սյուզաննա Խոջամիրյանը (Խաչատուր Աբովյանի տուն-թանգարանի տնօրեն), Սառա Նալբանդյանը (Երևանի թատրոնի և կինոյի պետական ինստիտուտի պրոռեկտոր), Մարիաննա Մխիթարյանը (Կ. Ստանիսլավսկու անվան պետական ռուսական դրամատիկական թատրոնի տնօրեն), Սուրեն Սաֆարյանը (Հայաստանի նկարիչների միության նախագահ) և Էռնա Ռևազովան (Միջոցառման համադրող): Ֆորումի շրջանակներում Սանկտ Պետերբուրգի Սուրբ Եկատերինա Հայ առաքելական եկեղեցու «Վերնատուն» մշակութային կենտրոնում կայացավ «Հավել Հայաստանին» խորագրով ցուցահանդեսը, որն իրականացվում է «Արվեստ առանց սահմանների» ծրագրի շրջանակներում:

Յուցահանդեսին ներկայացվել է 8 ռուս արվեստագետների (Լատիֆ Կազբեկով, Կսենիա Չավոազովա, Նադեժդա Նիկոլանա, Սերգեյ Մոյխսեն, Անդրեյ Ֆիլիպով, Արսենի Բադդասարյան, Տատիանա Չիկովա, Անաստասիա Բազանովա) աշխատանքները, ովքեր սեպտեմբեր ամսին մասնակցել էին «Արվեստ առանց սահմանների» պլեներին՝ Հայաստանի նկարիչների միության «Նկարիչ» ստեղծագործական տանը, որն իրականացվել է Հայաստանի կրթության, գիտության, մշակույթի և սպորտի նախարարության աջակցությամբ: Այս նախագծի նպատակն է ստեղծել նոր կապեր երկու երկրների ԲՈՒՀ-երի և նկարիչների միությունների միջև, ամրապնդել երկար տարիներ ընդհատված փոխգործակցությունը: Համաժողովի շրջանակներում կայացան մի շարք հանդիպումներ, որոնցից հատկանշական են Սաֆարյանի հանդիպումը Սանկտ - Պետերբուրգի Ի.Րեպինի անվան գեղարվեստի պետական ակադեմիայի ռեկտոր Ս. Ի. Միխայլովսկիի հետ, ինչպես նաև դասախոսական կազմի հետ քննարկվեցին փոխհամագործակցության հուշագրի հնարավորությունը:

Քննարկվել են նաև կինոսցենարների ստեղծման լաբորատորիաների համատեղ աշխատանքների հեռանկարները:

Հանդիպել և ակտիվ քննարկումներ են ունեցել նաև Ռուսաստանի Պախրուչինի անվան թատերական թանգարանի տնօրեն Դմիտրի Ռոդիոնովի հետ:

#### • ԱՐԴՅՈՒՆՔՆԵՐԸ

Պայմանավորվածություն են ձեռք բերել Ռուսաստանի Պախրուչինի անվան թատերական թանգարանի տնօրեն Դմիտրի Ռոդիոնովի հետ վերջինիս Հայաստան այցելելու կապակցությամբ:

Հայ-ռուսական մշակութային համագործակցության խթանում:



20.11.2019

Արայիկ Խզմայյան